

A2^r

Dem Chriftlichen Lefer.

Gottes Gnad/ vnnd ware befferung in Chriſto. Wie ein gemein/ ſchendtlich vnnd ſchädlich laſter Füllerey/ zufauffen/ vnd trunckenheyt ſeye/ vorab bey denn Teutſchen/ auch bey denen/ ſo die warheit erkant/ vnnd ſolchs billich weren ſolten/ iſt leyder meniglich baß bewiſt/ dann das es bewerens bedörffe. Es iſt/ GOTT erbarmſ/ mit diſem vnnd anderen laſteren/ beynahe bey allen menſchen/ dahin erwachſen/ das es kein lünde/ ſonder ehrlich geachtet wirt. Vnnd zwar welcher der welt güt gefell ſein will/ muß diß ſäwiſch laſter/ bey groffer vngnad/ nicht ſtraffen/ vorab/ ſo er der groffen leut gunſt haben will/ ja vol vnnd ſäwiſch ſein/ heyt bey diſen frölich/ beſteubt/ wolbeſchenckt/ vnnd güter ding ſein. Item/ ein güten rauch/ oder trunck haben/ vnnd der gleichen. Hiemit aber würdt Gott hoch erzörnet/ ſeine herrliche gaben ſchändtlich/ vnützlich/ onnötig/ vnd mit aller vndanckbarkeit/ verſchwendet/ leib vnd feel in gefår zeitlich vnnd ewiges todtes gefüret/ aller liebe vnd barmhertzigkeit gegen den armen vn̄ nottürfftigen vergeſſen/ On was ſonſt vnordentlichs weſens auß Trunckenheit volget. Vnd ob man ſchon in täglichen Predigen/ diſes vnnd andere laſter/ ſtraffet/ da wider rüffet vnd ſchreiet ſo ſind die ohren/ die ſolchs hören ſolten/ felten zu gegen Ja wo ſie etwo vberlang gewar werden/ das mann diſen kat gerüret hat/ ſtellen ſie ſich mit flüchen vnnd leſtern/ wie truncken/ vnd nit wol befinnete leute. Vil

A ij vom

Wie man die
ſes leyder al
lenthalben
ſihet.
Ephe. 5.

A2^v

vom gemeinen hauffen/ können/ oder wöllen nit all mal für gelcheften leiblicher narung/ zur predig kommen. Vff das nun mein ampt/ nit allein mit predigen/ fonder auch auff andere wege/ vilen dienftlich were/ vnd meniglich fehe vnd erkent/ wie fchwerlich Got alweg vber difes lafter der trunckenheit erzörnt vnd auch geftrafft/ hab ich Chriftlicher lefer/ volgēde hiftorien vnnd fprüche vonn trunckenheit/ jhren fruchten vnnd darauß folgenden laftern/ auß heiliger fchriff/ Zum eingang vnd grundt der warheit/ von wort zû wort / an menfchliche deutung/ fetzen wöllen. Das du auß difen als eynem fpiegel göttlichs worts zuuernemen hetteft/ was fchändlicher vnd fchädlicher lafter/ darzu vnals an leib vnd feel/ auß fullerey/ zufauffen/ vn̄ trunckenheit erwachfen. Vnd wie Gott diefes vbel mit peftilentz fterben/ vnd verterben wie wir es heutiges tags vorab in Teutfchen landen befinden vnd fülen/ aber nichts vns beffern/ fo er fchrecklich geftrafft. Auch das du feheft auß was grundt/ die fürtrefflichen alten Chriftlichen lerer S. Bafilii/ Auguftinus vnd andere wider difes fâwifch vnd wüft lafter fo ernftlich geruffet vnd gefchriben habē. Difes alles darumb von mir befchehen/ ob villeicht yemandts hie durch/ von diefem verderblichen lafter möcht abgefurt werden/ Vnd du Chriftlicher lefer dich vor folchem hüttend/ mit dem Gotlofen nit ewiglich verterbest. Dazû gebe Chriftus feinen geift/ vnd bewar dich vor allem vbel/ Amen.

M. Melchior Ambach/ Prediger des
Euangelij Chrifti zû
Franckfurt.

Hiftorien